

10-bob. O‘stirishdagi va boquvdagi hayvonlarni hisobga olish xususiyatlari

87. O‘stirishdagi va boquvdagi hayvonlarni hisobga olish ob’yektlari bo‘lib nasl, ortgan vazn va o‘sinh, yosh hayvonlarning katta yoshdagi guruhlariga va asosiy podaga o‘tkazilishi, asosiy podadan yaroqsizga chiqarilgan chorva mollarning boquvga qo‘yilishi hisoblanadi.

88. Asosiy podaning yaroqsizga chiqarilgan va boquvga qo‘yilgan chorva mollari yaroqsizga chiqarilgan mahsuldor hayvonlarning balans qiymati va yaroqsizga chiqarilgan katta yoshdagi ishchi hayvonlarning sotilishidan kutilayotgan summa bo‘yicha kirim qilinadi.

Kelib tushgan hayvonlarning o‘stirishga va boquvga kirim qilinishi mazkur Standartning [3-bobida](#) belgilangan tartibda o‘tkaziladigan baholash bo‘yicha amalga oshiriladi.

89. Boquvdagi hayvonlarning tirik vazni o‘stirish va boqish natijasida oshadi va hayvonlar tirik vaznning o‘sinhini hisobga olgan holda muntazam ravishda qo‘shimcha baholanadi.

Tirik vaznning o‘shishi hayvonlar biriktirilgan moddiy javobgar shaxslar bo‘yicha turlari va hisob-ishlab chiqarish guruhlari bo‘yicha aniqlanadi. Buning uchun mazkur guruh hayvonlarining hisobot davri oxirida belgilangan tirik vazniga mazkur yoshdagi guruhdan hisobot davri mobaynida chiqib ketgan hayvonlarning tirik vazni qo‘shiladi va mazkur guruhga tegishli hisobot davrida kelib tushgan hayvonlarning tirik vazni hamda hisobot davri boshida mavjud bo‘lgan hayvonlarning tirik vazni ayriladi. Olingan natija hisobot davri mobaynida

oʻstirishda yoki boquvda va yaylovda boʻlgan hayvonlarning yosh guruhi boʻyicha tirik vaznining oʻsishini aks ettiradi.